




সমবায় গড়ছি দেশ, স্মার্ট হবে বাংলাদেশ

# জাতীয় সমবায় পুরস্কার ২০২২

বঙ্গবন্ধু আন্তর্জাতিক সম্মেলন কেন্দ্র  
০৪ নভেম্বর ২০২৩ শনিবার



সমবায় অধিদপ্তর  
পল্লী উন্নয়ন ও সমবায় বিভাগ  
স্থানীয় সরকার, পল্লী উন্নয়ন ও সমবায় মন্ত্রণালয়



জাতির পিতা বঙ্গবন্ধু শেখ মুজিবুর রহমান





মাননীয় প্রধানমন্ত্রী শেখ হাসিনা



প্রধানমন্ত্রী শেখ হাসিনা রাজধানী ঢাকায় গণভবন থেকে ভার্চুয়ালি বঙ্গবন্ধু আন্তর্জাতিক সম্মেলন কেন্দ্রে ৫১তম জাতীয় সমবায় দিবস ও জাতীয় সময়ায় পুরস্কার প্রদান অনুষ্ঠানে যুক্ত ছিলেন।





মোসাম্মৎ হামিদা বেগম

সচিব

পল্লী উন্নয়ন ও সমবায় বিভাগ

স্থানীয় সরকার, পল্লী উন্নয়ন ও সমবায় মন্ত্রণালয়

## মুখবন্ধ

“সমবায়ে গড়ছি দেশ, স্মার্ট হবে বাংলাদেশ” প্রতিপাদ্য নিয়ে ৫২তম জাতীয় সমবায় দিবস ২০২৩ উৎসবমুখর পরিবেশে যথাযথ মর্যাদায় সারাদেশে পালিত হচ্ছে। জাতির পিতা বঙ্গবন্ধুর শেখ মুজিবুর রহমান এর স্বপ্নের সোনার বাংলা গড়ার ক্ষেত্রে সমবায় আন্দোলনের অবদান অসামান্য। সরকারের অন্যান্য সেক্টরের মত উন্নয়নের মহাসড়কে সমানতালে এগিয়ে যাচ্ছে সমবায়। ডিজিটাল বাংলাদেশ থেকে স্মার্ট বাংলাদেশে রূপান্তরের এই যাত্রায় সমবায় হতে পারে অন্যতম হাতিয়ার। সমবায়ের গুরুত্ব বিবেচনা করে জাতির পিতা বঙ্গবন্ধু শেখ মুজিবুর রহমান বাংলাদেশের সংবিধানের ১৩(খ) অনুচ্ছেদে সমবায় মালিকানাকে ২য় খাত হিসেবে অন্তর্ভুক্ত করেছেন।

দেশের আর্থ-সামাজিক উন্নয়নে প্রশংসনীয় অবদান রাখার স্বীকৃতিস্বরূপ সরকার প্রতিবছর ১০ টি শ্রেণিতে দেশের সেরা সমবায় সমিতি/সমবায়ীকে জাতীয় সমবায় পুরস্কার প্রদান করে থাকে। এই ধারাবাহিকতায় এ বছরও জাতীয় সমবায় পুরস্কার ২০২২ প্রদান করা হচ্ছে। জাতীয় সমবায় পুরস্কার হিসেবে ১৮ ক্যারেট মানের ১০ গ্রাম ওজনের একটি স্বর্ণপদক ও একটি সম্মাননাপত্র প্রদান করা হবে।

পুরস্কারের জন্য নির্বাচিত সমবায় সমিতি/সমবায়ীবৃন্দকে আমি আন্তরিক শুভেচ্ছা ও অভিনন্দন জানাই। বঙ্গবন্ধুর আজন্ম লালিত স্বপ্ন সুখী ও সমৃদ্ধ সোনার বাংলা গঠনে এ ধরনের স্বীকৃতি সকল সমবায়ী ও সমিতির সদস্যবৃন্দকে আরো উৎসাহ ও অনুপ্রেরণা যোগাবে এবং সমবায় আন্দোলনকে আরো গতিশীল করবে যা ২০৪১ সালের স্মার্ট বাংলাদেশ গঠনে কার্যকর ভূমিকা রাখবে বলে আমার দৃঢ় বিশ্বাস।

মোসাম্মৎ হামিদা বেগম

# সূচিপত্র

ক্রঃ নং	জাতীয় সমবায় পুরস্কার ২০২২ প্রাপ্ত সমবায় সমিতির তালিকা	পৃষ্ঠা নং
০১	অগ্রণী সেচ প্রকল্প পানি ব্যবস্থাপনা সমবায় সমিতি লিঃ	৯
০২	মঠবাড়ী খ্রিস্টান কো-অপারেটিভ ক্রেডিট ইউনিয়ন লিঃ	১০
০৩	মধুপুর পৌরসভা প্রাথমিক দুগ্ধ উৎপাদনকারী সমবায় সমিতি লিঃ	১১
০৪	শ্রেরণা মহিলা সমবায় সমিতি লিঃ	১২
০৫	অশ্বেষা বহুমুখী সমবায় সমিতি লিঃ	১৩
০৬	খড়িধগ মৎস্যজীবী সমবায় সমিতি লিঃ	১৪
০৭	আনোয়ারা উপজেলা মুক্তিযোদ্ধা সমবায় সমিতি লিঃ	১৫
০৮	মহিপুর সমবায় ঋণদান ও সর্বোন্নতি বিধায়ক সমিতি লিঃ	১৬
০৯	ষোলআনা ব্যবসায়ী সমবায় সমিতি লিঃ	১৭
১০	ইস্টার্ন রিফাইনারী এমপয়ীজ কো-অপারেটিভ সোসাইটি লিঃ	১৮

## জাতীয় সমবায় পুরস্কার ২০২২ প্রাপ্ত সমবায় সমিতির সংক্ষিপ্ত পরিচিতি

ক্রঃ নং	শ্রেণিভিত্তিক সমবায়	শ্রেষ্ঠ সমবায় সমিতির নাম ও ঠিকানা
০১	কৃষিভিত্তিক/সার্বিক গ্রাম উন্নয়ন	অগ্রণী সেচ প্রকল্প পানি ব্যবস্থাপনা সমবায় সমিতি লিঃ গ্রাম: গণকা, ডাকঘর: চাঁপাইনবাবগঞ্জ, উপজেলা: চাঁপাইনবাবগঞ্জ সদর, জেলা: চাঁপাইনবাবগঞ্জ।
০২	সঞ্চয় ও ঋণদান/ক্রেডিট	মঠবাড়ী খ্রিস্টান কো-অপারেটিভ ক্রেডিট ইউনিয়ন লিঃ জুবিলী ভবন, গ্রাম: মঠবাড়ী, ডাকঘর: উলুখোলা, উপজেলা: কালীগঞ্জ মঠবাড়ী, জেলা: গাজীপুর।
০৩	দুগ্ধ সমবায়	মধুপুর পৌরসভা প্রাথমিক দুগ্ধ উৎপাদনকারী সমবায় সমিতি লিঃ গ্রাম: জটাবাড়ী, ডাকঘর: জটাবাড়ী, উপজেলা: মধুপুর, জেলা: টাঙ্গাইল।
০৪	মহিলা সমবায়	প্রেরণা মহিলা সমবায় সমিতি লিঃ ১৩৪নং সৈকত হাউজিং, রহিম ব্যাপারীর ঘাট, মোহাম্মদপুর, ঢাকা।
০৫	বহুমুখী সমবায়	অন্বেষা বহুমুখী সমবায় সমিতি লিঃ গ্রাম: ঘাটাইল (উত্তরা), পো: ঘাটাইল, উপজেলা: ঘাটাইল, জেলা: টাঙ্গাইল।
০৬	মৎস্য সমবায়	খড়িধুগা মৎস্যজীবী সমবায় সমিতি লিঃ গ্রাম: খড়িধুগা, ডাকঘর: স্বরূপদাহ, উপজেলা: চৌগাছা, জেলা: যশোর।
০৭	মুক্তিযোদ্ধা সমবায়	আনোয়ারা উপজেলা মুক্তিযোদ্ধা সমবায় সমিতি লিঃ গ্রাম + ডাকঘর: আনোয়ারা, উপজেলা: আনোয়ারা, চট্টগ্রাম।
০৮	বিশ্বহীন, ভূমিহীন সমবায়	মহিপুর সমবায় ঋণদান ও সর্বোন্নতি বিধায়ক সমিতি লিঃ গ্রাম: মহিপুর, ডাকঘর: মহিপুর, উপজেলা: কলাপাড়া, জেলা: পটুয়াখালী।
০৯	যুব, বিশেষ শ্রেণী, তাঁতীসহ অন্যান্য পেশাভিত্তিক সমবায়	ষোলআনা ব্যবসায়ী সমবায় সমিতি লিঃ গ্রাম: কপোতাক্ষ মার্কেট, পাইকগাছা বাজার, ডাকঘর: পাইকগাছা, উপজেলা: পাইকগাছা, জেলা: খুলনা।
১০	কর্মকর্তা/কর্মচারী, পরিবহণ শ্রমিক কর্মচারী সমবায়	ইস্টার্ন রিফাইনারী এমপ্লয়ীজ কো-অপারেটিভ সোসাইটি লিঃ ইস্টার্ন রিফাইনারী, ডাকঘর: পতেঙ্গা, থানা: পতেঙ্গা, জেলা: চট্টগ্রাম।



# জাতীয় সমবায় পুরস্কার ২০২২

জাতীয় সমবায় পুরস্কার ২০২২ প্রাপ্ত সমবায় সমিতির বর্ণনা

## শ্রেণি-১ : কৃষিভিত্তিক/সার্বিক গ্রাম উন্নয়ন সমবায়

### অগ্রণী সেচ প্রকল্প পানি ব্যবস্থাপনা সমবায় সমিতি লিঃ

উপজেলা: চাঁপাইনবাবগঞ্জ সদর

জেলা: চাঁপাইনবাবগঞ্জ

অগ্রণী সেচ প্রকল্প পানি ব্যবস্থাপনা সমবায় সমিতি লিঃ ১৯৯৬ সালে নিবন্ধিত হয়। প্রতিষ্ঠাকালে মাত্র ৫০জন সদস্য নিয়ে যাত্রা শুরু করলেও বর্তমানে সমিতির সদস্য ২১৩৭ জন। সমিতির নিজস্ব তহবিল থেকে সদস্যদের মধ্যে ৫ কোটি ৬৬ লক্ষ টাকা ঋণ বিতরণ করা হয়েছে। ২০২১-২২ অর্থবছরে সমিতির সদস্যদের আবাদযোগ্য ৫৫৭ হেক্টর জমিতে ধান চাষ করা হয়েছে। ধান চাষের পরে শুষ্ক মৌসুমে একই জমিতে সরিষা উৎপাদন করা হয়েছে। এছাড়াও সমিতির পানিপ্রবাহ ক্যানালের দুই পাশে লাগানো আমগাছ হতে প্রায় ৫ লক্ষ ৫ হাজার টাকার আম বিক্রয় করা হয়েছে। সমিতিটি সেচ কার্যক্রম পরিচালনার মাধ্যমে উপপ্রকল্পভুক্ত এলাকায় কৃষি উৎপাদন বৃদ্ধি ও সদস্যদের মধ্যে সহজশর্তে ক্ষুদ্র ঋণ কার্যক্রমের মাধ্যমে পল্লী জনশক্তির কর্মসংস্থানের সুযোগ সৃষ্টি ও তাদের আর্থসামাজিক উন্নয়নে ভূমিকা পালন করায় এ বছর কৃষিভিত্তিক/সার্বিক গ্রাম উন্নয়ন সমবায় ক্যাটাগরীতে ‘অগ্রণী সেচ প্রকল্প পানি ব্যবস্থাপনা সমবায় সমিতি লিঃ’ কে জাতীয় সমবায় পুরস্কার ২০২২ প্রদান করা হল।



## শ্রেণি-২ : সঞ্চয় ও ঋণদান/ক্রেডিট সমবায়

### মঠবাড়ী খ্রিস্টান কো-অপারেটিভ ক্রেডিট ইউনিয়ন লিঃ

উপজেলা: কালীগঞ্জ

জেলা: গাজীপুর

গাজীপুর জেলার অন্তর্গত কালীগঞ্জ উপজেলার মঠবাড়ী এলাকার জনগণের আয়ের প্রধান উৎস কৃষিকাজ হলেও উচু জমি ও লালমাটির কারণে তা ব্যয় সাপেক্ষ এবং বেশ কষ্টকর ছিল। বেশিরভাগ পরিবারই ছিল অসচ্ছল। এ প্রেক্ষাপটে ২ জুন ১৯৬২ সালে ৩০ জন সদস্য নিয়ে প্রতিষ্ঠিত হয় মঠবাড়ী খ্রিস্টান কো-অপারেটিভ ক্রেডিট ইউনিয়ন লিঃ। বর্তমানে সদস্য ২৪৯৩ জন এবং কার্যকরী মূলধন প্রায় ১৪০ কোটি টাকা। সমিতির মোট সম্পদের পরিমাণ প্রায় ১২৬ কোটি টাকা। সমিতির উদ্যোগে সদস্য এবং এলাকার জনগণকে বিউটিফিকেশন, অটোমেকানিক, সেলাই, ড্রাইভিং, বেকারি, কম্পিউটার, হোটেল, ইভেন্ট ম্যানেজমেন্ট, ডেইরি ও পোলট্রি খামার বিষয়ে প্রশিক্ষণ প্রদান করা হয়। সদস্যদের নিয়ে গ্রামভিত্তিক ও কেন্দ্রীয়ভাবে শিক্ষা সেমিনারের আয়োজন করা হয়ে থাকে। প্রথমবারের মত গৃহীত পঞ্চবার্ষিক পরিকল্পনার মাধ্যমে আবাসন প্রকল্প, জুবিলী মার্কেট নির্মাণ ও কালচারাল একাডেমি স্থাপনের পরিকল্পনা করা হয়েছে। সার্বিক কার্যক্রম বিবেচনায় এ বছর সঞ্চয় ও ঋণদান/ক্রেডিট সমবায় ক্যাটাগরিতে 'মঠবাড়ী খ্রিস্টান কো-অপারেটিভ ক্রেডিট ইউনিয়ন লিঃ' কে জাতীয় সমবায় পুরস্কার ২০২২ প্রদান করা হলো।





## শ্রেণি-৩ : দুগ্ধ সমবায়

### মধুপুর পৌরসভা প্রাথমিক দুগ্ধ উৎপাদনকারী সমবায় সমিতি লিঃ

উপজেলা: মধুপুর

জেলা: টাঙ্গাইল

২০১২ সালে মধুপুর পৌরসভা প্রাথমিক দুগ্ধ উৎপাদনকারী সমবায় সমিতি লিঃ সমিতিটি নিবন্ধিত হয়। সমিতির বর্তমান সদস্য ১৭২ জন। কার্যকরী মূলধনের পরিমাণ প্রায় ১ কোটি ৬৫ লক্ষ টাকা। সদস্যদের তত্ত্বাবধানে পালিত ৬৯৩টি গাভী হতে বার্ষিক ২৫ লক্ষ ২৯ হাজার ৪৫০ লিটার দুগ্ধ উৎপাদিত হয়। সমিতির সম্পদ বৃদ্ধি ও সদস্যদের আর্থিক উন্নয়নের জন্য প্রত্যেক সদস্যকে গাভী পালনের উদ্দেশ্যে সমবায় অধিদপ্তরের প্রকল্প হতে ১,০০,০০০/- টাকা করে ঋণ প্রদান করা হয়েছে। সদস্যরা গাভী লালনপালন করে দুগ্ধের উৎপাদন বৃদ্ধি করায় এলাকায় দুগ্ধের চাহিদা মিটিয়ে অন্য এলাকায়ও সরবরাহ করা হচ্ছে। সদস্যদের গাভী পালনে উৎসাহিত করার জন্য বিনামূল্যে প্রশিক্ষণের ব্যবস্থা করা এবং পরামর্শ প্রদান করা হয়ে থাকে। সমিতির সার্বিক কার্যক্রম বিবেচনায় এ বছর দুগ্ধ সমবায় ক্যাটাগরীতে 'মধুপুর পৌরসভা প্রাথমিক দুগ্ধ উৎপাদনকারী সমবায় সমিতি লিঃ' কে জাতীয় সমবায় পুরস্কার ২০২২ প্রদান করা হল।



## শ্রেণি-৪ : মহিলা সমবায়

### শ্রেণী মহিলা সমবায় সমিতি লিঃ

থানা: মোহাম্মদপুর

জেলা: ঢাকা

সেবা, সততা, স্বচ্ছতা ও জবাবদিহিতা এই মূলমন্ত্রকে ধারণ করে ২০০৫ সালে সমিতিটির যাত্রা শুরু হয়। বর্তমানে এর সদস্য সংখ্যা ১৪৬৫ জন এবং কার্যকরী মূলধনের পরিমাণ প্রায় ১১ কোটি টাকা। সম্পূর্ণ নিজস্ব মূলধন দ্বারা বিভিন্ন লাভজনক আর্থিক ও উন্নয়নমূলক কর্মকাণ্ড পরিচালনা করা হচ্ছে। ২০০৮ সালে শ্রেণী কিশোর গার্ডেন স্কুল স্থাপন করা হয়। সদস্যদের কল্যাণে আবাসন প্রকল্প গ্রহণ করা হয়েছে। সদস্যগণ সহজশর্তে ঋণ সুবিধা গ্রহণের মাধ্যমে ক্ষুদ্র ও কুটির শিল্পসহ অন্যান্য ব্যবসা করে আর্থিকভাবে লাভবান হচ্ছে। ২০১৭ সালে ত্রিপক্ষীয় চুক্তি সম্পাদনের মাধ্যমে জাতীয় সংসদ সচিবালয়ে ক্যাফে পরিচালনার দায়িত্ব পায় সমিতিটি। এছাড়াও শ্রেণী এন্টারপ্রাইজের মাধ্যমে ছদা ইন্ডাস্ট্রিজ লিঃ এর রন্ধন ব্র্যান্ডের ভোগ্যপণ্য বাজারজাতকরণের ডিলারশীপ গ্রহণ করে ব্যবসা পরিচালনা করছে। সদস্য ও এলাকার জনসাধারণের জন্য বিভিন্ন সেবামূলক ও সামাজিক সচেতনতামূলক কর্মকাণ্ড পরিচালনার ক্ষেত্রে গুরুত্বপূর্ণ অবদান রাখার স্বীকৃতিস্বরূপ 'শ্রেণী মহিলা সমবায় সমিতি লিঃ' কে এ বছর মহিলা সমবায় ক্যাটাগরীতে জাতীয় সমবায় পুরস্কার ২০২২ প্রদান করা হল।





## শ্রেণি-৫ : বহুমুখী সমবায়

### অবেষা বহুমুখী সমবায় সমিতি লিঃ

উপজলো: ঘাটাইল

জেলা: টাঙ্গাইল

অবেষা বহুমুখী সমবায় সমিতি লিঃ ১৯৯৮ সালে টাঙ্গাইল জেলার ঘাটাইল উপজেলায় প্রতিষ্ঠিত হয়। বর্তমানে এর সদস্য ৩৫১৬ জন। সমিতির কার্যকরী মূলধনের পরিমাণ প্রায় ২৩ কোটি টাকা। 'বহুমুখী' সমিতি হওয়ায় বিভিন্ন প্রকল্প বাস্তবায়ন করে সমিতির সদস্যদের ভাগ্যোন্নয়ন ও স্থায়ী আয়ের উৎস সৃষ্টি করা হয়েছে। সমিতিতে মোট ৩৩ জন কর্মকর্তা ও কর্মচারী নিয়োজিত আছে। সঞ্চয় ও ঋণদান প্রকল্পের মাধ্যমে প্রায় ৪০ জন লোকের প্রত্যক্ষ কর্মসংস্থান সৃষ্টি হয়েছে। সদস্যদের মাঝে গ্রুপভিত্তিক ঋণ প্রদান, ভান ক্রয়, গরীব ও অসহায় জনগণকে বিবাহের জন্য সহযোগিতা, শিক্ষা ও চিকিৎসা কাজে সহযোগিতা, হাঁস-মুরগী পালনের জন্য ঋণ প্রদান, মৎস্য ও বনায়ন প্রকল্পে সদস্যদের মাঝে ঋণ দান, দুস্থদের আর্থিক সাহায্য প্রদান করে স্বাবলম্বী করা সমিতির লক্ষ্য। একটি আদর্শ ও অনুসরণীয় সমিতি হিসেবে এর সার্বিক কর্মকাণ্ডের স্বীকৃতিস্বরূপ 'অবেষা বহুমুখী সমবায় সমিতি লিঃ' কে এবছর বহুমুখী সমবায় ক্যাটাগরীতে জাতীয় সমবায় পুরস্কার ২০২২ প্রদান করা হল।



## শ্রেণি-৬ : মৎস্য সমবায়

### খড়িঞ্চগ মৎস্যজীবী সমবায় সমিতি লিঃ

উপজেলা: চৌগাছা

জেলা: যশোর

খড়িঞ্চগ মৎস্যজীবী সমবায় সমিতি লিঃ ১৯৬১ সালে যশোর জেলার চৌগাছা উপজেলায় নিবন্ধিত হয়। নিবন্ধনকালে ২০ জন সদস্য নিয়ে যাত্রা শুরু হলেও বর্তমানে সদস্য ১৪৪ জন। কার্যকরী মূলধন প্রায় ৪৫ লক্ষ ৩০ হাজার টাকা। সমিতিটি খাল, বিল, বাওড় ও জলাশয় ইজারা গ্রহণের মাধ্যমে মাছ চাষ ও রেণু পোনা উৎপাদন করে সদস্যদের আর্থসামাজিক অবস্থার উন্নয়নে ইতিবাচক অবদান রেখে চলেছে। সমিতিটি খড়িঞ্চগ বাওড় সরকারিভাবে ইজারা নিয়ে মাছ চাষ ও রেণু পোনা উৎপাদনপূর্বক তা স্থানীয় বাজারসহ বিভিন্ন জেলা শহরে বাজারজাত করে থাকে। মাছ চাষের মাধ্যমে স্থানীয় জাতীয় পর্যায়ে আমিষের চাহিদা পূরণে গুরুত্বপূর্ণ অবদান রাখার পাশাপাশি উক্ত সমিতির কর্মসংস্থান সৃষ্টি ও এলাকার সার্বিক উন্নয়ন দৃশ্যমান। এ অবদানের স্বীকৃতিস্বরূপ ‘খড়িঞ্চগ মৎস্যজীবী সমবায় সমিতি লিঃ’ কে এ বছর মৎস্য সমবায় ক্যাটাগরীতে জাতীয় সমবায় পুরস্কার ২০২২ প্রদান করা হল।



## শ্রেণি-৭ : মুক্তিযোদ্ধা সমবায়

### আনোয়ারা উপজেলা মুক্তিযোদ্ধা সমবায় সমিতি লিঃ

উপজেলা: আনোয়ারা

জেলা: চট্টগ্রাম

চট্টগ্রাম জেলার আনোয়ারা উপজেলায় ১৯৯৫ সালে প্রতিষ্ঠিত হয় আনোয়ারা উপজেলা মুক্তিযোদ্ধা সমবায় সমিতি লিঃ। সমিতির বর্তমান সদস্য ৫৫ জন। কার্যকরী মূলধন প্রায় ১৫ লক্ষ টাকা। মোট সম্পদের পরিমাণ প্রায় ১৪ লক্ষ টাকা। সদস্যদের মধ্যে বিভিন্ন ট্রেডে যেমন- কুটির শিল্প, হস্তশিল্প, ক্ষুদ্র ব্যবসা ইত্যাদি খাতে ক্ষুদ্র ঋণ বিতরণ করে থাকে। সমিতিটি গরীব সদস্যদের কন্যার বিবাহ এবং চিকিৎসা ব্যয় নির্বাহে সহযোগিতা প্রদান করে থাকে। এছাড়া সমিতির উদ্যোগে বিভিন্ন সময়ে মুক্তিযুদ্ধভিত্তিক স্মরণিকা (যে বিজয় অহংকারের, শপথ, অনুরণন, রক্তঋণ, বেলাশেষে) প্রকাশ করা হয়েছে। সমিতির সার্বিক কার্যক্রম বিবেচনায় এ বছর মুক্তিযোদ্ধা সমবায় সমিতি ক্যাটাগরীতে 'আনোয়ারা উপজেলা মুক্তিযোদ্ধা সমবায় সমিতি লিঃ' কে জাতীয় সমবায় পুরস্কার ২০২২ প্রদান করা হল।





## শ্রেণি-৮ : বিত্তহীন, ভূমিহীন সমবায়

### মহিপুর সমবায় ঋণদান ও সর্বোন্নতি বিধায়ক সমিতি লিঃ

উপজেলা: কলাপাড়া

জেলা: পটুয়াখালী

১৯৬১ সালে নিবন্ধিত পটুয়াখালী জেলার কলাপাড়া উপজেলার ঐতিহ্যবাহী সমিতি মহিপুর সমবায় ঋণদান ও সর্বোন্নতি বিধায়ক সমিতি লিঃ। সমিতির বর্তমান সদস্য সংখ্যা ২৮৫৮ জন। সম্পদের পরিমাণ প্রায় ২ কোটি ১২ লক্ষ টাকা। কার্যকরী মূলধন প্রায় ৪১ লক্ষ টাকা। সমিতির আয়ের উৎস হচ্ছে নিজস্ব মার্কেট, ভবন, আবাদী জমি, জলাশয় এবং শুটকি পল্লী। ১৯৫৭ সালে মহিপুর কো-অপারেটিভ মাধ্যমিক বিদ্যালয় প্রতিষ্ঠা করা হয়। শিশু শিক্ষা বিস্তারের লক্ষ্যে প্রতিষ্ঠাতার নামে ২০১৫ সালে সিরাজুল ইসলাম মেমোরিয়াল একাডেমি স্থাপন করা হয়। সমিতির মাধ্যমে গরীব ও মেধাবী শিক্ষার্থীদের শিক্ষা বৃত্তি প্রদান করা হয়ে থাকে। সদস্যদের আর্থসামাজিক উন্নয়নে অবদান রাখায় এ বছর বিত্তহীন, ভূমিহীন সমবায় ক্যাটাগরীতে 'মহিপুর সমবায় ঋণদান ও সর্বোন্নতি বিধায়ক সমিতি লিঃ' কে জাতীয় সমবায় পুরস্কার ২০২২ প্রদান করা হল।



## শ্রেণি-৯ : যুব, বিশেষ শ্রেণি, তাঁতীসহ অন্যান্য পেশাভিত্তিক সমবায়

### ষোলআনা ব্যবসায়ী সমবায় সমিতি লিঃ

উপজেলা: পাইকগাছা

জেলা: খুলনা

খুলনা জেলার পাইকগাছা উপজেলার প্রাণকেন্দ্রে ১৯৯২ সালে ষোলআনা ব্যবসায়ী সমবায় সমিতি লিঃ প্রতিষ্ঠিত হয়। বর্তমানে এর সদস্য ১২৪৫ জন। কার্যকরী মূলধন প্রায় ২ কোটি ৫৬ লক্ষ টাকা। ব্যবসায়ী সমবায় সমিতি হওয়ায় নিবন্ধনের পর হতে বিভিন্ন উন্নয়ন কার্যক্রম পরিচালনা করে আসছে। ক্ষুদ্র ব্যবসায়ী সদস্যদেরকে স্বাবলম্বী করার জন্য ঋণ প্রদান করে থাকে। বিতরণকৃত ঋণ মৎস্য খামার, ডেইরি ফার্ম খাতে বিনিয়োগ করে সদস্যগণ লাভবান হচ্ছেন। ষোলআনা আবাসন প্রকল্পের মাধ্যমে জমি ক্রয়-বিক্রয় ও ক্ষুদ্র ব্যবসায়ীদের বাসস্থানের ব্যবস্থা গ্রহণ করা হয়েছে। এছাড়া গণশৌচাগার নির্মাণ, বিনামূল্যে ঔষধ বিতরণ, শিক্ষাবৃত্তি প্রদান, দুগ্ধ প্রতিবন্ধী, দুর্ঘটনায় ক্ষতিগ্রস্ত ও কন্যাদায়গ্রস্ত পিতাকে আর্থিক সহযোগিতা প্রদান এবং দুর্যোগ কবলিত মানুষের মাঝে ত্রাণ বিতরণ কার্যক্রম পরিচালনা করে থাকে। সমিতির উন্নয়ন ও সমাজকল্যাণমূলক কার্যক্রম বিবেচনায় এ বছর যুব, বিশেষ শ্রেণি, তাঁতীসহ অন্যান্য পেশাভিত্তিক সমবায় ক্যাটাগরিতে 'ষোলআনা ব্যবসায়ী সমবায় সমিতি লিঃ' কে জাতীয় সমবায় পুরস্কার ২০২২ প্রদান করা হলো।





## শ্রেণি-১০ : কর্মকর্তা/কর্মচারী, পরিবহণ শ্রমিক কর্মচারী সমবায়

### ইস্টার্ন রিফাইনারী এমপ্লয়ীজ কো-অপারেটিভ সোসাইটি লিঃ

থানা: পতেঙ্গা

জেলা: চট্টগ্রাম

১৯৯২ সালে নিবন্ধিত হয়ে কর্মকর্তা/কর্মচারীদের আর্থসামাজিক উন্নয়নের লক্ষ্যে কাজ করে যাচ্ছে ইস্টার্ন রিফাইনারী এমপ্লয়ীজ কো-অপারেটিভ সোসাইটি লিঃ। বর্তমানে এর সদস্য ৬২০ জন এবং কার্যকরী মূলধন প্রায় সাড়ে ৫ কোটি টাকা। সমিতি মৎস্য ও কৃষি প্রকল্পে বিনিয়োগের মাধ্যমে হ্রাসকৃত মূল্যে এবং কীটনাশকমুক্ত কৃষিজাত পণ্য সদস্যদের মধ্যে বিতরণ করে থাকে। পরিবহন খাতে বিনিয়োগ এবং ঋণ বিতরণের মাধ্যমে পরোক্ষ ও প্রত্যক্ষভাবে প্রায় ১০০০ জন লোকের কর্মসংস্থান সৃষ্টি করা হয়েছে। সমিতি নিজস্ব মূলধন দ্বারা সদস্যগণের কল্যাণে শিক্ষা বৃত্তি, বৃক্ষরোপণ, স্যানিটেশন, স্বাস্থ্যসেবা, অনুদান এবং প্রাকৃতিক দুর্যোগে ক্ষতিগ্রস্ত সদস্যদের সহযোগিতার মাধ্যমে সেবামূলক কার্যক্রম পরিচালনা করছে। এছাড়া বাস, মাইক্রোবাস ও কারের মাধ্যমে অত্যন্ত সুষ্ঠু ও সুচারুভাবে কর্মকর্তা-কর্মচারীদের যাতায়াত সুবিধা প্রদান করে আসছে। সদস্যদের কল্যাণে সমিতির সার্বিক কার্যক্রম বিবেচনায় এ বছর কর্মকর্তা/কর্মচারী, পরিবহণ শ্রমিক কর্মচারী সমবায় ক্যাটাগরিতে 'ইস্টার্ন রিফাইনারী এমপ্লয়ীজ কো-অপারেটিভ সোসাইটি লিঃ' কে জাতীয় সমবায় পুরস্কার ২০২২ প্রদান করা হলো।



## জাতীয় সমবায় পুরস্কার ২০২২ এর শ্রেষ্ঠ সমবায় সমিতি ও সমবায়ী নির্বাচনে মন্ত্রণালয়ে চূড়ান্ত সভা







সমবায় ভবন  
এফ-১০, সিভিক সেক্টর, শের-ই-বাংলা নগর, আগারগাঁও, ঢাকা-১২০৭  
[www.coop.gov.bd](http://www.coop.gov.bd)